



## SAOPŠTENJE ZA JAVNOST

Čikago, IL (23.03.2009). Generalni konzulat Bosne i Hercegovine (GK BiH) Čikago obavještava sve državljane Bosne i Hercegovine (BiH) koji žive na našem konzularnom području (lista na dnu stranice) da preko našeg konzulata trebaju predati zahtjeve za evidentiranje ili određivanje jedinstvenog matičnog broja (JMB) građana BiH.

Državljeni BiH su obavezni da evidentiraju svoj JMB u jedinstvenu bazu podataka (CIPS). Napominjemo da su do sada evidentirani jedinstveni matični brojevi samo onih državljana BiH koji posjeduju lične karte ili vozačke dozvole izdate u BiH poslije 2003. godine po projektu CIPS.

Evidentiranje JMB – Veliki broj državljanja BiH, koji su tokom rata napustili BiH ili žive i rade u SAD-u po bilo kom osnovu, svoj postojeći JMB nisu evidentirali u jedinstvenu bazu podataka (CIPS). **Bez obzira što možda imaju ili su prije vadili rodni list, uvjerenje o državljanstvu ili pasoš BiH, ne znači da im je JMB evidentiran u sistemu BiH, te sada trebaju evidentirati JMB posredstvom našeg konzulata. Osobe koje nemaju evidentiran JMB u jedinstvenoj bazi podataka faktički ne postoje u sistemu Bosne i Hercegovine i istim će ubuduće biti otežano ostvarivanje prava ili rješavanje bilo kojih osobnih problema iz inostranstva!** Takođe, ove osobe neće moći dobiti putnu ispravu a uskoro ni biometrijski pasoš.

Odredjivanje JMB – Sve osobe koje su državljani BiH a ne posjeduju JMB mogu dobiti isti posredstvom našeg konzulata elektronskim putem.

Postupak evidentiranja i određivanja novih JMB se obavlja putem Generalnog konzulata BiH u Čikagu dostavljanjem originalnih dokumenata:

- Izvod iz matične knjige rođenih i uvjerenje o državljanstvu BiH (ova dokumenta ne smiju biti starija od 6 mjeseci).
- Popunjen obrazac JMB-7 – za evidentiranje postojećih JMB ili obrazac JMB-3 – za određivanje JMB.

Ovi obrasci se mogu dobiti u GK BiH Čikago.

Evidentiranje JMB se odvija elektronskim putem a konzularna usluga se trenutno obavlja bez naplate konzularne takse.

Konzularno područje našeg konzulata uključuje savezne države Arizona, California, Colorado, Idaho, Illinois, Indiana, Iowa, Kansas, Kentucky, Michigan, Minnesota, Missouri, Montana, Nebraska, Nevada, North Dakota, Ohio, Oregon, South Dakota, Tennessee, Utah, Washington, Wisconsin i Wyoming. **Za ostale savezne države, naši državljani se trebaju obratiti našoj Ambasadi u Washington, D.C.**



GENERALNI KONZUL

Eldin Kajević

737 North Michigan Avenue, Suite 820, Chicago, IL 60611

Tel: 312/951-1245; Fax: 312/951-1043

E-mail: cgbhchicago@hotmail.com